


Mataio 8



Gée na càuru ârailu tòotù, âna pwa jè piéa na Kana,
jè village gée Galilée. Â é tâa goo wà nyaa kà Iésu.
Â rà todà mwara Iésu ma tèpa *câmu kêe,
naa goro piéa.



[Bwaa càcaa pâji pwâadàra i tòotù, â] jèe pâ nau ticè
dipâa. Â é todà Iésu wà nyaa kêe, â é ina tée pâ:
«Au, meaarirà, ba jèe ticè dipâa kàra.» Â é ina wà
nyaa kêe tà tèpa ênawéna pâ: «Guwà pwa diri ê pwina
ée mwa ina tàwà.»



Â é ina tà tèpa ênawéna wà Iésu pâ:
 «Pwaa ma wâbé tèpa wâra jawé bèepwiri,
 goro jawé.» Â rà pwaa ma wâbé diri.
 Â é pwa ma ina tàra còwâ pâ: «Gwà cia
 còwâ, â gwà popa pâdari wà pwi apooro
 pi-ija.» Â rà cia pâdarié.



3

Nabwé, â é nacai i jawé wà pwini [â é pò, ba] jèe pâra
 nau dipâa. Â câé caa tâmogòori wâna na me géewè,
 i dipâa bèepwiri. (Éco na wà
 tèpa ênawéna, âna rà nye
 tâmogòori.)



4

Â é todà pwi a piéa, â é ina têe pâ: «Naa na ê pai pwa
 kêjè, âna jè ipâdi béaa ê dipâa na dau wâdé.
 Ûna rà jèe dau wâdo,
 â jè mwa pâdi ê dipâa
 na câé caa po dau wâdé.
 Éco na wâgà, âna gà
 nye tàgéere wéaari
 dipâa na wâdé,
 tiagoo ni!»



5

Wàé kaa pwiri tapoo pàtàmara wakè,
 na é tapoo wà Iésu na Kana wâ
 Galilée. Ba ê câmu bèepwiri,
 âna é paari ê pai maina
 ma muugère kêe. Â rà
 cèikí naa gooé wà tèpa
 câmu kêe.




6

É pâra naa pwârawâ kà Pétèru wà
 Iésu. Â é pâmari tô nyaa kà wâdà
 Pétèru na é gére puu, ba é pitòoka.



7

Â é tu naa goro îê wà Iésu, â nye
 tiàu jiié kaa i pai pitòoka kêe.



8

Na bàrane, â rà popa medari Iésu diri tèpa maagé,
â wà mwara tàpé na pwa duée goorà.
Â rà pitanaimarirà naa
goropwârawâ wà diri
tèpa âboro na pwi
village-bà.



9

Â é nye pwa ma tiàù diri kaa ê pâ na jèpapara maagé
wà Iésu. Â é tù târa mwara ê pâ duée na wâru. Êco na
câe caa panuârà ma rà tùra, ba rà jèe tâmogòorié.




10

Â wâru tàpé na pwa na rà tu naa gooé.
Ba pwa ê pàtâmee na tâa gooé,
â nye cau tiàù
maagé kàra.



11

Â rà tèepaa me ê pàra âboro, na rà popa me ê pwi
âboro na é pitàbwamwa. Ârapàpé tàpé gée goorà,
na rà pitûrié me.



12

Êco na ticè pai pwa wèe ma rà
tòpòé na ara Iésu, majoroé ê pai
wâru wàra ê âboro.



13

Â rà [tâmee too naa gòrowâ, â]
rà dàgòtù ê jè ére gòrowâ, wâcicima
wâna na é tâa wê wà Iésu.
Â rà panuâ boo wà i pwi a
pitàbwamwa, na é
puu gòro ê
aupuu kèe.



14

Â é pò goo ê cèikí kà tèpa âboro bèepwiri, wà Iésu, â é ina tà pwi a pitàbwamwa pà: «Pwina naîô, jèe pwanauri ê pà èpà'gà.»
«Go ina tâgà ni pà: Gà cimadò, â gà popa ê aupuu'gà, â gà pâra naa jaagà.»




15

É nye tò kaa naa gòro i wànga wà Iésu, â rà pâra wiê wà tèpa câmu kêe. Â, na rà tèpeaa naa nabibiu kêra nawià, â é nye nama tüê kaa i pwéretòtù. Â jèe tò naa na wànga ê pà wià. Â napwa Iésu, âna é tàgère puu na wànga.



16

Â é ina tàra pà: «Wànau? Cina wâgotàwà? Nye dau kîri kaa ê cèikí kàwà!» Â é cimadò, â é pwa i pwéretòtù ma i nawià. Â é coo i napô, â nye po éaau kaa. Â rà po pò, â rà pi-ina tàra pà: «Wàilàpà pwi âboro bèeni, na é pacoo ê pwéretòtù bau i wià?!»



17

Ba po dau wânüma Pwiduée goo ê pà âboro gòropuu, êkaa na é panuâ me wà Pwina naîê na é caapwi co, ba na wà pwina é cèikí naa gooé, âna câe caa bà, êco na o tà têe ê wâro dâra gòiri.

40

60 18

Roma 3:23

Ba jè cau pwa na èpà diri, â jè wâiti jii ê pwényuâ ma muugère kà Pwiduée.

Roma 6:23

Ba ê wâri wâra ê èpà, âna ê pwâra bà. Â wà Pwiduée, âna é nye po naa tâjè wàrapwiri ê *wâro dâra gòiri, na é naigé mee Kériso Iésu, Pwi Ukai kâjè.

Hébéru 9:27

Napwa naa goo wà tèpa âboro, âna rà nye wacaapwi bà co. Â géé na càùé, â ée mwa pitèirà wà Pwiduée.

19

Éféso 2:8,9

Ba guwà jèe udò, géé goro ê pimeaari imudi kà Pwiduée, na naigé mee ê cèikí kàwà. É pai jèe udò kàwà, âna càcaa géé goowà. Ba ê âraimeai, na é naa tâjè [piticémuru naa goo] wà Pwiduée. Â càcaa wàrapwiri goo ê pà tûâ kàwà, ba naa càcaa pâri, ma guwà pi-ina kàwà goo!

Roma 10:9,10

Ba wiàna gà inapàpari goro pwâgà, pà, wà Iésu Kériso, âna é Pwi Ukai, â wiàna gà cèikí, géé na âji pwâranümagà, pà, é pawâroé còwâ wà Pwiduée géé na aubà, â gà o udò. [Â o tâa tâgà ê *wâro dâra gòiri jaaé.] Ba wiàna gà âji cèikí naa gooé, ma inapàparié, â wà Pwiduée, âna [é tòpò pinaanapô naa nabibiu kâu ma wàé, â] é nama gà pwi âboro na gà tàrù na araé, â é pa-udògà.

20

Ioane 3:16,17

Ba po dau wânüma Pwiduee goo ê pâ âboro gòropuu, êkaa na é panuâ me wà Pwina naîê na é caapwi co, ba na wà pwina é cèikí naa gooé, âna câé caa bà, êco na o tà tée ê wâro dâra gòiri. Ba câé caa cùru me Pwina naîê, wà Pwiduee, ba na é pitèi tèpa âboro gòropuu. Â é cùrué me, ba na rà udò ê pâ âboro géé gooé, [ma tâa tàra ê *âji wâro jaaé].

1 Ioane 5:11-13

Jè tâmogòori pâ, ê pwina é ina naa gooé, âna *âjupâra, ba é jèè naa tâjè ê *wâro dâra gòiri jaaé. Â ê wâro bèepwiri, âna wâgoo wà Pwina naîê. Üu, wà pwi âboro na é tâa gooé wà Pwina naîê, âna tâa gooé ê wâro bèepwiri. Â wà pwi âboro na câé caa tâa gooé wà Pwina naî Pwiduee, âna ticè *âji wâro gooé. Guwà tèpa cèikí naa goo Pwina naî Pwiduee. Â go pwa tii tàwà ni, ba na guwà tâmogòori bwàti pâ, jèè tà tàwà ê wâro dâra gòiri jaa Pwiduee.

21

Mataio 8-9; Maréko 1-2, 4; Luka 4, 8; Ioane 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Paicî NT (pri) © 2012, Wycliffe Bible Translators, Inc.
All rights reserved.

<https://www.bible.com/bible/486/MAT.1>

©2026 Bible for Children, Inc.

www.M1914.org

www.bibleforchildren.org

22